

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. **Qanga kingullermi Ittoqqortoormiuni isit nakorsaaqarpa?**
2. **Isit nakorsaat Ittoqqortoormiunut qaqugu tikiseqqinneqarniarpa?**
3. **Ittoqqortoormiuni nakorsaqalernissaa anguniagaava?**
4. **Qaqugu Ittoqqortoormiuni kigutit nakorsaat tikittarnera ukiumut amerlineqarniarami?**
5. **Peqqinnissaqarfimmiit suut tulluuttut siunissami qaqugulu pilersaarutigaasigit Ittoqqortoormiunut?**
6. **Nunatsinni inoqarfiit nakorsaqanngitsut sorliuppat?**
7. **Nunatsinni peqqinnissaqarfimmiit pisariaqartitsisut inoqarfiit sorliuppat?**

(Inatsisartunut ilaasortaq Mette Arge-Hammeken, Naleraq)

Tunngavilersuutit:

Ittoqqortoormiut inissisimavoq peqqinnissaqarfimmiit allaniit ungasissorsuulluni, nalunngisatsitut Ittoqqortoormiut illoqarfiit nunaqarfiillu allaniit avinngarusimasumiilluni Nunatta kangiata avannaa tungaata qeqqani inissisimasuuvoq. Illoqarfik qaninnerpaaq 850 km missaani ungasissuseqartuuvoq, taamaammat Ittoqqortoormiunut tikeriaannaasoqarnanilu Ittoqqortoormiuniit aallariaannaasoqanngilaq. Nuna alla tassa Island aqqusaaqqaartariaqartarpoq Kalaallit Nunaanniit Kalaallit Nunaannukarniaraanni, taamaammallu peqqinnissaqarfiup inoqarfik tikeriaannaananilu allanit tamani ungasissumiinnera pissutigalugu nakorsaqartittariaqarpaa tamanut innuttaasunullu toqqissisimanarneq pigineqassappat.

Ukiumut kigutit nakorsaat tikikulanerusariaqarpoq innuttaasut allatuulli kigutitik iluarsartuunneqarnissaat pisariaqartittarpaat. Isit nakorsaat ilanngullugu pisariaqartinneqarpoq.

Ittoqqortoormiuni innuttaasut allatuulli skatsimut akileraartartuupput kiffartuunneqarnerallu nikingangaatsiarluni.

Nakorsaqalerniarli, nakorsallu pisariaqartinneqartut tikinneqarniarli Ittoqqortoormiuni innuttaasut kiffartuullugillu misissorlugit.

Nunatsinni peqqinnissaqarfimmiit pisariaqartitsisut pisariaqartitaat misissuiniarlik, nunatsinni ikeqaagut paarilluarneqarneruniarta.



Apequtigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.